

亥 23

71-3

氏八種

四聖懸樞



聖懸樞序

天未嘗有生而無殺或以兵荒或以疫癘殺之自天於人何尤然此雖天之過乎抑亦人之罪焉兵荒未必殺人世無良相也疫癘未必殺人世無良醫也相而不良其罪小醫而不良其罪大魏晉以來至於今日疫癘之殺人多矣其書數十百部其徒數千百人病則家不能免藥則戶不能逃最可恨者小兒之痘疹卽大人之疫癘愚妄不以爲歲氣而以爲胎毒哀此百萬生靈旣因天災復遭人禍民有兩死而無一生吁可悲矣天地不仁不過以百姓爲芻狗愚妄不仁遂至以蒼生爲魚肉此怨天乎抑尤人乎仲景先師創內外感傷之法而未言疫癘其言之彰明而較著者人猶未解況其未言者與何怪於羣兒之訛謬耶僕於己巳春初草四聖懸樞析瘟疫瘧疹之義辛未六月中

削於清江河院署中四部俱成傷寒之義元矣痠癘之義元之
又元慨夫上士千載悟元下士見之大笑以爲尙白其於聞意
眇旨无而白之其於沈辭浮藻白而元之此黑之懸彼白之寡
是墨以爲明而狐以爲蒼也楊朱之弟黑出而白入其狗吠焉
楊朱之狗黑往而白來其弟怪焉茲蒼黃之未變又黑白之不
分世亦無楊朱之弟矣世亦並無楊朱之狗矣昔有楚士而官
於齊者聚書數車襲故紙以談岐黃覽茲元解胡盧而笑吳牛
之喘未見月也蜀犬之吠未見日也吾安得進吳蜀之犬牛登
秦嶽凌清風與之仰日月之光華哉昔子雲草元侯巴從而受
業桓譚爲絕倫今宇內之大諒必有侯桓其人吾將藏之深
山虛座待矣壬申十月昌邑黃元御坤載氏自序

四聖懸樞目錄

卷一

溫病解

溫病名義

附

岐伯溫義

附

仲景溫義

溫病根原

病原同異

風寒異邪

營衛殊傷

傳經大凡

太陽經證

頭痛熱渴

陽明經證

目痛鼻乾

少陽經證

脇痛耳聾

三陽傳胃



太陰經證

腹滿隘乾

少陰經證

乾燥發渴

厥陰經證

煩滿囊縮

三陰入藏

藏府治法

汗泄之法

卷二

疫病解

疫病原始

寒溫病異

表裏殊法

溫疫由來

寒溫殊治

表解熱除

陰衰營陷

停水不消

太陽經證

發熱頭痛

身痛脈緊煩躁無汗

煩熱燥湯

陽明經證



南京中醫藥大學圖書館藏

口痛鼻乾嘔吐泄利

陽明府證

潮熱汗出譫語腹痛便秘

少陽經證

目眩耳聾口苦咽乾胸痛脇痞嘔吐泄利

三陽傳胃

太陰經證

腹滿噎乾

少陰經證

口燥舌乾

厥陰經證

煩滿發斑

六經治法



寒疫由來

表裏同異

表解寒散

陽衰衛陷

傳經大凡

湯旺傳府

陰盛傳藏

太陽經證

頭痛惡寒

血升鼻衄

水氣內停

煩躁發渴

陽明經證

嘔吐泄利

乾燥發渴

陽明府證

潮熱汗出譫語腹滿便秘

少陽經證

口苦咽乾目眩耳聾胸痛脇痞寒熱往來

嘔吐泄利

太陰經證

痛滿吐利



少陰經證

厥逆吐利

厥陰經證

厥逆發熱消渴吐泄

三陰治法

卷三

痘病解

痘病根原

痘病消長

熱吉寒凶

柳陰扶陽

太陽經證

頭痛腰痛發熱惡寒咳嗽嚏噴

陰陽盛衰

停水不消

煩燥發渴

血升鼻衄

陽明經證

嘔吐泄利

發熱出痘粒滿痂生

紅白消長

發紫變黑頂平根散



南京中醫藥大學圖書館藏

鬱重粒多蒙頭鎖項抱鼻環唇腫消眼閉

陽明府證

潮熱譫語腹痛便秘

少陽經證

驚悸吐泄寒戰發熱

太陰經證

滿心痞嘔吐泄利

經證

痛吐利蹠臥四逆發癢黑陷便血便膿潰爛無痂痘疔

石

痛咽疼消渴嘔吐泄利

腹痛嘔痛



北京中醫藥大學圖書館藏

碧癰膿

三陰治法

肅工謬妄

疹病解

疹病根原

疹病隱顯

太陽經證

發熱頭痛

脈緊無汗

煩熱躁渴

寒熱勝負

陽明經證

鼻乾口燥

嘔吐瀉利

經熱傳府

陽明府證

潮熱譫語

腹痛便秘

攻下緩急

少陽經證

目眩耳聾口苦咽乾胸痛脇痞嘔吐泄利

三陽傳胃



太陰經證

腹滿噤乾

少陰經證

口燥舌乾

厥陰經證

煩滿發斑

水停腹脹

疹後膿血

汗下宜忌

卷五 伊公問

伊公問旨

問疹四條

紅白續發

嘔吐蚘蟲

疹後目疾

紫黑遲見

疹後昏憤

六經治法

出沒隱見

疹後泄利

經府殊方

問溫五條

問疫五條

問痘七條



南京中医药大学图书馆藏

四聖懸樞卷一

昌邑黃元御坤載著

時分冬夏病殊寒溫氣候不同感傷亦異傷寒著於仲景溫病闡於岐伯各有妙義水火判然自叔和混熱病於傷寒傷寒之理既永晦於千古溫病之義亦長訛於百代後世庸工紛起殺運宏開當鼓橐吹爐之際何須覆鼎值焦頭爛額之秋那堪入甕橫覽天枉愴恨實多作溫病解

溫病解第一

溫病名義

秋冬感冒名曰傷寒春夏感冒名曰溫病病於春者謂之溫病於夏者謂之熱溫熱同病因時異名素問熱論先夏至日者爲病溫後夏至日者爲病暑是也四時之候秋涼冬寒春溫夏熱

約而言之不過陰陽陰陽之氣寒盛於冬熱盛於夏秋之涼者將寒而未寒也春之溫者將熱而未熱也感於冬者謂之傷寒感於夏者謂之病熱感秋之涼輕於傷寒而實傷寒之屬也感春之溫輕於病熱而實病熱之屬也故秋冬之感證統曰傷寒春夏之感證統曰熱病仲景之言傷寒兼秋月之傷涼也素問之言熱病兼春月之病溫也

附岐伯溫義

素問熱論黃帝問曰今夫熱病者皆傷寒之類也或愈或死其死皆以六七日之間其愈皆以十日以上者何也

熱病者傷寒之類非傷寒也

岐伯對曰人之傷於寒也則爲病熱熱雖甚不死其兩感於寒而病者必不免於死

外感之病統曰傷寒而其中實有風寒之分春溫夏熱皆
感風邪而曰傷寒者感病之總名也上文曰熱病者傷寒
之類則溫熱非由傷寒甚明人之春夏感傷風泄其衛衛
閉而遏營血則爲病熱熱雖至甚而經盡陰復不至於死
其陽亢陰枯外被邪客而表裏雙傳一日兩經是謂兩感
精液消亡必不免於死也

帝曰願聞其狀岐伯曰傷寒一日巨陽受之巨陽者諸陽之屬
也故爲諸陽主氣也其脈連於風府故頭項痛腰脊強二日陽
明受之陽明主肉其脈挾鼻絡於目故身熱目痛而鼻乾不得
臥也三日少陽受之少陽主膽其脈循脇絡於耳故胸脇痛而
耳聾三陽經絡皆受其病而未入於藏者故可汗而已

足之三陽自頭走足傷寒一日太陽受之太陽者諸陽之

所屬也故爲諸陽之主氣也太陽行身之後其脈自頸
項挾脊抵腰連於督脈之風府邪自風府而入客於太陽
之經故頭項痛腰脊強二日陽明受之陽明行身之前其
脈挾鼻絡目故目痛鼻乾三陽之氣皆隨陽明下行陽氣
蟄藏則善寐陽明上逆陽升而火泄故身熱而不臥三日
少陽受之少陽行身之側其脈從耳下頸自胸貫膈面循
脇裏故胸脇痛而耳聾三陽經絡皆受其病而未入於三
陰之藏者經鬱熱發汗之開其皮毛經熱外泄則病愈矣
四曰太陰受之大陰脈布胃中絡於脛故腹脹滿而脛乾五日
少陰受之少陰脈貫腎絡於肺繫舌本故口燥舌乾而渴六日
厥陰受之厥陰脈循陰器而絡於肝故煩滿而囊縮

足之三陰自足走胸四曰太陰受之太陰行身之前其脈

入腹絡胃上膈挾咽故腹滿而噤乾五日少陰受之少陰
行身之後其脈貫脊屬腎入肺而挾舌本故口燥舌乾而
渴六日厥陰受之厥陰行身之側其脈過陰器抵小腹挾
胃屬肝絡膽故煩滿囊縮太陰日脈布胃中少陰日脈貫
腎厥陰日脈絡於肝是三陰之病皆入於藏也

其不兩感於寒者七日巨陽病衰頭痛少愈八日陽明病衰身
熱少愈九日少陽病衰耳聾微聞十日太陰病衰腹減如故則
思飲食十一日少陰病衰渴止不滿舌乾已而噫十二日厥陰
病衰囊縱少腹微下大氣皆去病日已矣

六日而六經俱盡六日而六經俱解所謂其愈皆以十日
以上也

帝曰治之奈何岐伯曰治之名通其藏脈病日衰已矣其未滿

三日者可汗而已其滿三日者可泄而已

府亦稱藏素問十三藏相使論十二藏之相使皆賤是也
五藏六府皆受病矣各通其藏脈是何藏府之病卽針通
其何藏府之脈也其未滿三日者所謂三陽經絡皆受其
病而未入於藏故可汗而已其滿三日者已入於藏故可
泄而已泄非攻下之泄詳見刺熱篇靈樞熱病三日而氣
日靜人迎躁者取之諸陽五十九刺以泄其熱而出其汗
實其陰以補其不足泄之則熱去補之則汗出熱病陽有
餘而陰不足故泄其陽以補其陰其在三陽而未入藏者
熱邪尙淺補其經中之陰則汗自出其在三陰而已入藏
者熱邪日深非泄其藏中之陽則熱不去溫熱之病所以
不死者藏陰之未亡也已入藏而不泄者則藏陰亡矣故